

## **Liturgie zondag 10 maart in de Hervormde kerk te Ommen**

### **-welkom en ofkondegingen**

**-zingen:** psalm/Lied 121: 1 en 2

1. Noar boven kiek ik en ik zie  
de hoge bargaen staon, woar komp mien hulp vandoan?  
Mien hulp is van de Here die  
dit alles hef eschoapen  
mien wachter zal niet sloapen.

2. Hi-j höldt oe, as ie strukelt, vast  
as wi-j gien oetweg ziet: oons wachter slup toch niet!  
Zien oog wordt deur gien sloap verrast  
Hi-j zal altied de meensen  
van zien bescharming geven.

### **Oonze Hulpe en Een Groet van God**

**-zingen:** Psalm 121: 3 en 4

3. De Heer bewaart oe in zien haand;  
bi-j dag en ok bi-j nacht holdt Hi-j veur oe de wacht  
Hi-j is as schaduw an oen kaant  
Daags kuj de zun verdragen  
'snachts zal de moan niet ploagen

4. De Heer zal d'ogen op oe hol'n  
Hi-j maakt ut kwoade goed, Hi-j is ut den oe hoedt  
Hi-j zal oen kommen en oen goan  
Wat ai-j ok met zult maken  
In iewigheid bewaren.

### **-de tien woord'n**

**-'t Hervormd Zangkoor zingt:**

-Kiek toch es an  
-Abba Vader

### **-Geleufbeliedenis**

Ik geleufe in God, de Va, de Almachtige,  
Schepper van d' hemel en van d'aarde;  
en in Jezus Christus, zien ienig geboren Zeune, oonse Heer,  
den der ekommen is deur de Heilige Geest,  
geboren uut de maagd Maria,  
den leen hef,  
onder Pontius Pilatus ekrusigd is,  
esturm en begraven,  
umdalevaar'n noar ut riek van de dood,

den op de darde dag weer opestoane is ut de doden,  
den opevaar'n is noar de hemel,  
den zit an God zien rechterhaand, de almachtige Va,  
den doarvandoar komm'n zal um te oordelen  
die in en ut de tied bint.  
Ik geleuf in de Heilige Geest.  
Ik geleuf een heilige, Christelijke karke den overal op eerde is,  
de gemeenschap van de heiligen  
de vergeving van zunde  
ut weer opstoan van het lichaam  
en een iewig leev'm.  
Dat ut zo mag ween!

**-gebed**

**-’t Hervormd Zangkoor zingt:**

-Trouw blief ie  
-O denk an miej

**-Biebellezing** uut Johannes 5: 16-19

Umdat Jezus disse ding deed op de sabbat was't dat de Jöden tegen um in't geweer kwam'n. Maar Jezus zi-j: "Mien Va warkt an ien stuk verdan, doarumme doe ik dat ok. Vanof dan probeerd'n de Jöden um hum van kaant te maken: Hi-j had ja niet allennig de sabbat ontheilid, maar Hi-j had ok God zien eig'n Va e'numd en zich zo an God geliek emaaft. Jezus reageren met de volgende woord'n: "Woarachtig woar ik zeg Oe, van zichzelf kan de zönne niks doen, Hi-j mut ut de Va eerst zien doen. Want wat de Va döt, dat döt de zönne op dezölfde wieze.

**-zingen:**       Gezang 328/Lied 314: 1, 2 en 3

Heere Jezus, ut gebeurt  
Daw veur Oen Woord bint tesamen  
Lauw met 't hart dat noar Oe heurt  
Oen genade niet beschamen  
Heilig oons daw Oe kunt geven  
Hart en ziel en heel oons leven

Oons gevuul en ons verstaand  
Hef't niet aaltied op de riege  
As Oen Geest mi-j dan niet helpt  
En ik doardeur helder kriege  
Want 't goeie doen en deanken  
Mut Ie aaltied zelf nog scheanken

O, Ie glans van heerlijkheid  
Licht uut Licht uut God geboren  
Maak ons kloar veur deeuwigheid

Maak ze lös, hart, mond en oren  
Dat oons bidden en oons zingen  
Tot de hemel deur mag dringen

**-preke**

**-zingen:**                   Gezang 446/Lied 512

1. O, Jezus hoe vertrouwd en goed  
klinkt mi-j oen naam in't oor  
oen naam dien mi-j geleuven döt  
Ie goat mi-j reddend veur.

2. Oen naam die oonze wonden heelt  
en oons ut manna gef  
die oonze dood en zunde deelt  
en oonze vrees verdref

3. Mien herder en mien held, profeet  
mien koning en mien moat  
mien priester die mien schuldvergef  
mien weg woarop ik goa

6. O Jezus hoe vertrouwd en goed  
klink mi-j oen naam in 't oor  
as ik van alles scheiden mot  
giet nog die naam m-j veur.

7. O Naam, iewige odemtocht  
een starveling bin ik  
as iens mien eigen odem stokt  
dan draagt mi-j oen muziek.

**-gebeden**

**-'t Hervormd Zangkoor zingt:**

-Loat ut stille ween

-De Heer zegene oe

**-collecte**

**-zingen:**                   Gezang 392/Lied 247

1) Blijf bi-j mi-j Heer, want d'oavend komt mi-j noa.  
't Tweeduusterd overal in mien bestoan.  
As al mien noabers Heer, verdwient als sni-j  
In't dichste duuster Heer, blijf dicht bi-j mi-j

2) De blui van't leven is zo kort van tied  
niks dat d'r blef, wi-j raakt hier alles kwiet  
alles spuult weg in't wisselend geti-j

maar Ie die altied bint, blief dicht bi-j mi-j

3) Oe bin ik neudig, Oen genoade is  
Mien ienig Licht in nacht en duusternis  
Wie anders vindt ik steeds weer an mien zi-j  
In nacht en stried O Heer, blief dicht bi-j mi-j

4) Ik vrees gien kwoad, want bi-j mi-j is de Heer  
troanen en leed bint nauw niet bitter meer  
Woar is oen stekkel, dood, wat dreig ie mi-j  
Hold mi-j op d'biene Heer, blief dicht bi-j mi-j

5) Hoal hoog oew kruis Heer veur mien donkrend oog  
Oen Licht in 't duuster, wes mi-j't pad umhoog  
Nevel en nacht trekt op, de dag wordt ni-j  
In dood en leven Heer, blief Ie bi-j mi-j!

**Zegen**

de gemiente antwoordt met;  
Mag ween, mag ween, zo mag't ween  
(Amen, amen, amen)